

中而舂米去膜也卒而舂米去翳也乃後瑩然玉粒  
萬粒與一粒同雖欲去之無可得而去矣學問之極  
功猶是易曰純粹精也其是之謂夫

王莽末黃金一斤粟一斗愍帝時米斗貳金是一斗  
粟易錢二十緡一石粟易錢二百緡也後漢末董卓  
之亂百姓流離穀石至五十萬唐潼關失守魯靈所  
守郡斗米五十千是一石穀爲錢五百緡也梁侯景  
陷石頭常平倉米一斗七八萬錢是一石米爲錢七  
八百緡也自古米貴未有如是之甚者漢明帝永平

間粟斛三十正與唐太宗米斗三錢之價同亦可謂  
至廉矣

油通四方可食與燃者惟胡麻爲上俗呼脂麻言其  
性有八拘謂雨暘時薄收大旱方大熟開花向下結  
子向上炒焦壓榨方得生油膏車則滑鑽針乃澁也  
而河東食大麻油氣臭與荏子皆堪作雨衣陝西又  
食杏仁紅藍花子蔓青子油亦以作燈祖珽以蔓青  
子薰目致失明今不聞爲患山東亦以蒼耳子作油  
此當治風有益江湖少胡麻多以桐油爲燈但烟濃

汗物畫像之類尤畏之沾衣不可洗以冬瓜滌之乃  
可去色青而味甘悞食之令人吐利飲酒或茶皆能  
蕩滌蓋南方酒中多用灰爾嘗有婦人悞以膏髮粘  
滯百治不能解竟髡去之又有芴毗子油其根卽烏  
藥村落人家以作膏火其烟尤臭烏柏子如脂可灌  
燭廣南皆用處婺州亦有潁州亦食魚油頗腥氣宜  
和中京西大歎人相食煉腦爲油以食販於四方莫  
能辨也

李白詩客到但知留一醉盤中祇有水晶鹽按梁天

監中天竺王屈多遣長史竺羅獻方物云其國有恒  
水其水甘美下有真鹽色正白如水晶金樓子云胡  
中有鹽瑩如水晶謂之玉華鹽西陽雜俎云白鹽崖  
有鹽如水精名爲君王鹽段公路北戶錄云鹽有如  
水精狀者一統志撒馬兒罕土產水晶鹽堅明如水  
晶琢爲盤以水濕之可和肉食然則祇以此味按酒  
亦自不儉

王楙考周禮廩人月三鬴注六斗四升曰鬴計食米  
日六升四合也魏李惺曰人食米月一石半是食米

日五升也漢趙充國曰以一馬自佗負三十日食爲米二斛四斗麥八斛是人日米八升馬日麥二斗七升也匈奴傳一人三百日食用糲十八斛是人日糲六升也古斛小漢二斗七升當今五升四合所謂人食米八升當今二升一合六勺食米六升當今一升六合觀一馬能負米麥至此可以徵其升斗之小而倉公傳所載人大小腸受水米之數不至可駭矣第沈存中言六斗爲一斗七升九合而楸則六斗當爲一斗六升更少升九合似當以存中爲據也

邊有四朝事饋食加邊羞邊豆亦有四朝事饋食加豆羞豆邊實之目十有八而臬重出豆實之目二十有四而醢醢魚醢重出朝事邊實麩黃白黑形鹽膾魚醢鮑魚鱠熬麥曰麩麻曰黃稻米曰白黍米曰黑蓋以麥麩麻子稻黍末作餅餠注謂清朝進寒具口實也形鹽左傳所謂鹽虎形膾音呼說文云無骨脂注謂牒生魚爲大臠疏謂魚腹腴鮑部巧切韻書云體魚也注謂糲室中糲乾之字從魚蓋魚之糲而乾者也魚鱠之鱠音搜魚之折而乾者也膾以腥薦鮑

鱮以乾薦糴字按說文火焙肉恐是鮑者火焙而乾  
鱮者日曝而乾故均之爲乾魚而異名也膾爲魚腹  
膾則膾鮑魚鱮皆魚也朝食爲米食寒具魚乾之屬  
可夙具者也饋食邊實棗棗桃乾榛榛實注謂榛爲  
梅謂榛似栗而小饋食始備米實也加邊凌芡栗脯  
脩注謂凌芡也謂芡雞頭也或云四角三角爲芡兩  
角爲芡鄭司農以栗在加邊饋食重出作凌芡脯脩  
薄析曰脯施薑桂曰脩言修治脯也羞邊糗餌粉糗  
注謂熬成豆米曰糗說文熬米麥通釋燭乾米麥要

之米麥豆皆可爲餌者也注以粉爲豆屑米麥豆亦  
皆可爲粉但粉以豆爲明滑故專以豆言之餌與糗  
名實相近合蒸曰餌餅之曰糗疏云糗與粉爲一物  
糗者搗粉熬大豆餌言糗糗言粉互相足也鄭康成  
云二物皆粉稻米黍米合以爲餌餌不餅而糗作餅  
今之糗糕名出於此凡今俗下餅餌糗糕其制多出  
於古人其名已載於經典觀於邊實可見也朝事豆  
實韭菹醯醢昌本麩醬菁菹鹿麩茆菹麩菹莊魚  
切說文酢菜也今俗設菜拌中漬菜皆菹之遺法醢

吐感切注謂肉汁說文謂血醢醢者說文肉醬齏音  
泥亦醢之異名注謂有骨曰齏無骨曰醢凡作醢及  
齏者先膊乾其肉莖之雜以梁麩鹽酒置瓶中百日  
卽成今俗用鯪醬皆齏醢之遺法昌本昌蒲根也菁  
菹蔓菁菜也菹菹鄭司農作菹杜子春音卯曰鳧葵  
也康成疑菹不堪菹從杜說按魯頌薄采其菹釋文  
云卽蓴菜也麋鹿麋二齏皆莖骨和肉爲百日醬皆  
在朝事之豆亦取晨朝易於夙辦饋食豆實唯葵菹  
在七菹之列餘皆醢醢葵菹羸醢脾析蠹醢蜃蚶醢

豚拍魚醢葵爲百菜之長故饋食豆實首葵而他菹  
莫配焉脾析蜃豚拍皆五齏中件目脾析牛百葉俗  
呼牛胃爲百葉已見周禮注矣蜃說文大蛤豚拍之  
拍先鄭讀爲膊言脅也三者近於齏醢而曰齏齏者  
以百葉諸物細切之和以醢醬不待瓶中百日而成  
故別爲齏之名齏從韭宜用菜若昌本深蒲作齏固  
宜百葉蜃豚之肉亦可縷以爲齏也羸注謂蟻蚶按  
方言燕趙間以爲蜘蛛韻書以爲蝸牛蜘蛛蝸牛非  
可食者疏釋引爾雅爲證彼爾雅乃訓詁之儒集經

注以爲書或疑內則有蝸醢恐是蜺蚰蝸牛之謂然  
內則之蝸乃力戈切集韻古螺字作蝸韻釋云蚌屬  
也非蝸牛之蝸矣陸佃直謂蝸牛可醢蓋爲禮注所  
誤爾羸螺字亦作蝸韻書以爲香螺也蠱注謂小蛤  
韻書以爲蚌狹而長者蚺漢儒相傳爲蚺蜉白子亦  
恐不然蚺蜉未必可食也取白子傷生二也按天官  
有鼈人掌取互物祭祀供蠱羸蚺以授醢人則蚺與  
蠱羸皆當是螺蛤同類既掌以鼈人之官可知爲水  
族之產若以國語爲證則國語亦但言舍蚺不取未

嘗指蚺蜉之子可取而食也唯夏小正於二月言昆  
小蟲抵蚺其傳曰蚺蚺卵爲祭醢夏小正本文無幾  
其解說處多是漢儒附會未可盡信按月令方春和  
時母殺孩蟲胎天飛鳥母麝母卵豈有二月正春殪  
蚺穴以爲豆實之奉哉巷伯成是貝錦注以貝爲餘  
蚺貝之黃質白文者或可爲鼈人互物之證蚺或從  
身醫書云食之益壽明目豈必蚺卵而後謂之蚺哉  
鼈人春獻蜃以爲醢故小正以二月抵蚺此雖流傳  
已久而必當改正者小正以蜃爲蒲蘆朱子以爲其

書不足信愚於蚺爲蠃卵亦不敢以爲信唯魚醢用  
魚可免注者妄言矣加豆之實芹菹兔醢深蒲醢醢  
菹菹雁醢筍菹魚醢芹楚葵水菜類蒿深蒲或云桑  
耳或云蒲始生水中韓奕詩云其蔌維何維筍及蒲  
知蒲可爲蔌不必曰桑耳也菹有苔迨二音鄭注云  
水中魚衣卽苔也今海鄉之人乾苔以爲菹或疑菹  
字從竹爲筍筍竹萌不思箭萌亦筍爾既有筍菹  
安用箭萌籀文竹草相似其爲苔菹何惑焉兔醢用  
兔鴈醢用鴈魚醢用魚如上文羞豆之實醢食糝食

醢音移鄭司農云以酒醢爲餅疏云若今起膠餅康  
成曰饗賈氏曰粥禮記有稻醢黍醢周禮亟稱於醢  
酒正之五飲漿人之六飲皆用醢也糝食鄭司農云  
菜餽蒸康成曰取牛羊豕之肉三如一小切之米二  
肉一合煎爲餌鼎卦公餽之注云糝食也震爲竹竹  
萌爲筍餽之爲菜則糝食未嘗不用筍菹之筍也糝  
食醢食在七菹之外豈惟竹萌唯所用之豆實有五  
齊七醢七菹三齏二食五齊之齊注作齏昌本深蒲  
脾析蜃豚拍七醢醢魚兔鴈蠃羸蚺七菹韭菁茆葵

芹苔筍三齏麋鹿麋今孔子廟丁祀菹醢多不如法  
不考周禮故爾邵氏錄云劉夢得欲用糕字作九日  
詩以經典無據不敢用宋子京按周禮粉飧之注作  
九日詩云劉郎不敢題糕字虛負詩中一世豪俎豆  
之事不得以未嘗聞爲解也今廣中蟻子白而大淹  
之實可爲醬與魚子醬正同此亦是蝦子醬桂蠹之  
屬也耳目所不及遂疑古人之言可笑也

拾遺記載宋景公食善星文者渠滄之鳧煎以桂髓  
叢庭之鷄蒸以蜜沫淇漳之鱧脯以青茄九江珠璣

爨以蘭蘇華清夏瀌灑以織縞又載燕昭王食旋娟  
提謨二笑人瑞珉之膏丹泉之粟漢武內傳王母有風

實雲子碧海琅菜玄都綺苾扶桑丹椹長河文藻太  
真紅芝九色鳳腦班龍黑胎蒙山白鳳之睥靈丘蒼  
鸞之血又有流淵瓊魚雞跖集武夷君食河祇脯神

仙傳謝玄卿遇仙設鳳冠粟龍睛稻素麟脂斑螭髓  
周官王會圖有鳥鰓之醬杜陽編懿宗迎佛有瓊膏

乳訶陵國所獻

撫言宣宗賜韋澳孫宏有銀餅餽穆天子

傳有重醴氏木禾黑水麥苦山菜梁吳筠食移有江



臯綠施筍洞庭紫鬣魚昆山龍胎脯玄圃鳳足菹扶  
南蔗一丈三節安定梨一歲三花又餅說有安定噎  
鳩之麥抱罕赤髓之羊洞庭橘仇池椒劉孝儀謝晉  
安王蝦醬牋有龍醬蜆醢庾肩吾謝賚米啓有渚水  
鳴蟬瓊山合穎段成式酉陽雜俎有獲炙麋臄鱖翠  
物腴桂蠹蘇膏石鮓熊蒸魚鮓臠鳧荆飴竿炙餵餽  
粬粒炙糝蛆子蟹蛟葫精細飄一日魚鱉梨酢杏炙蠙臄  
鳳九述蕩之擊旄象之約河隈之鮓鞞洛之鱒洞庭  
之鮓灌水之鯉珠翠之珍菜黃之鮓冀野之梁不周

之稻玄山之禾楊山之稌南海之秬壽木之華玄木  
之葉夢澤之芹具區之菁楊撲之薑招搖之桂越輅  
之菌長澤之卵三危之露崑崙之苜黃領臄醒酒鯖  
蒲葉菘竹根粟蝨足鱸蜩綱膠籠上牢九湯中牢九  
白龍舍黃龍舍一丈三節蔗一歲二花梨又稱當時  
蕭家餛飩可以淪茗庾家粽子白瑩如玉韓約櫻桃  
畢羅其色不變同昌公主傳有紅虬脯消靈炙韋巨  
源食單其異者有單籠金乳酥貴妃紅御黃王母飯  
金鈴炙七返膏見風消冷蟾羹金銀夾花平截唐安

餠玉露團長生粥漢宮棋子水晶龍鳳膏天花餽羅  
白龍臚素蒸音聲部雪嬰兒卵羹小天酥纏花雲夢  
肉紅羊杖筋頭春等名謝諷食經其異者有飛鸞  
膾剪雲析魚羹紫龍膏象牙餽恬乳花面英朱衣餠  
千日醬越國公碎金飯新治月華飯等名又陶穀清  
異錄食品有煬帝縷金龍蟹寶曆御庖清風飯張彌  
寒消粉上供玉尖麪張手美澆店有人日六一菜重  
九米錦蠟日萱草麪吳淑有玉杵羹金綿鮓西湖遊  
覽志載清河王張俊供高宗食品其異者荔枝白玉

藥羹水晶膾二色鰓兒羹蓮花鴨簽又清異錄載金  
陵七妙羹羹可照面餛飩湯可注硯餅可映字飯可  
打擦臺濕麪可穿結帶醋可作勸盞寒具嚼著驚動  
十里人

寒具今之餠餅也劉禹錫佳話有寒具詩云纖手搓  
來玉數尋碧油煎出嫩黃深夜來春睡無輕重壓榻  
佳人纏臂金乃以捻頭爲寒具也

劉禹錫嘗曰宋考功詩馬上逢寒食春來不見飴疑  
此字僻讀毛詩有瞽注乃知六經中惟此注有飴字

按楊雄方言有此一字樊儵傳三歲獻甘醪膏飴又考周禮少師掌教簫注亦有飴字則是飴字六經中不但詩注有此一字又見於周禮注矣且二句是沈佺期詩誤以爲宋也

今人久茹素而其親若鄰設酒殺之具以相煖熱名曰開葷於理合曰開素此風已見六朝觀東昏侯喪潘妃之女闍豎共營殺羞云爲天解菜正其義也

崔浩馬碗盧仁宗竺暄劉休謝諷各有食經何曾有食疏梁大官有食經有食法隋大業有淮南王食經

食日虞棕有食方唐趙氏有四時食法蕭家法饌楊擘有膳炙經手錄嚴龜有食法曹子休有續法饌段文昌有食經號鄒平公食憲章王易簡有食法黃克明有江殮饌要僞唐陳士良有食物本草孟蜀有食典宋林洪有山家清供二卷近韓奕公望有易牙遺意二卷又周履靜續易牙遺意一卷

何曾食日萬錢子劭日二萬錢任愷一食萬錢和嶠日三萬錢高陽王元雍一食數萬錢杜岐公棕日五食一食萬錢李衛公德裕至一杯羹二萬錢韋侍郎

陟至厨中棄遺直萬錢元丞相載用食物椀器至三千事

蔡太師京厨婢數百人庖子亦十五人段丞相有老婢名膳祖四十年閨百婢僅九婢可嗣法孫節度承佑一宴殺物命千數蔡京每殺鶴子輒千餘承佑每謂人今日富有小四海矣謂南螬蚌北紅羊東蝦魚西粟皆備也尸子曰桀紂必南海之薑北海之鹽西海之菁凍海之鯨

何太宰曾每宴不食尚方食晉武帝令就其家取之

帝幸土武子第侍婢數百人各持琉璃器供膳食蒸豚有異於常問乃以人乳飲之齊武帝幸芳林園就虞棕求扁米糲糲及雜肴數十與大官不及也上欲求飲食方棕祕不肯出上醉後體不快棕僅獻醒酒鯖鮓一方而已

食之多者波斯王每食酪肉麩蜜至二石餘肥重不能行佛爲說法乃減一石廉頗七十餘一飯斗米秤肉注云秤十斤也符堅拂蓋郎夏默等三人長至丈九尺每食飯一石肉三十斤宋明帝噉白肉至二百

片蜜漬鮓一頓數金鉢蕭穎胄噉白肉鱠至二斗  
南燕慕容德時逢陵長王鸞長九尺腰帶十圍貫甲  
跨馬不由鐙德見而奇之立盡一石唐忠義傳張興  
一飯斗米肉十斤湖南馬希聲日食雞五十張司空  
齊賢罷相知安陸賓客會厨吏密寘一金漆大桶廳  
側窺公所飲食如其物投桶中至暮漲溢桶外公一  
食肥豬肉輒十餘斤風藥黑神丸常人服不過彈許  
公常以<sub>五</sub>兩爲大劑夾以胡餅頓食之趙丞相雄上  
殿奏事上從容問曰聞卿善啖欲作小點心相請如

何趙起謝遂命內侍捧史忠惠所進玉海容三升者  
賜之凡<sub>七</sub>賜皆醕繼以金杵捧籠炊百枚食其半上  
曰卿可盡之遂食至盡上爲之一笑後南帥日欲求  
其偶而不得有以兵馬監押薦者召對飲各盡酒三  
斗豬羊肉各五斤蒸糊五十事趙已醉飽摩腹而其  
人尚醒因更進酒斗許將別其人腹間忽砉然有聲  
蓋恒時束革帶限之漲而斷也

古人有偏嗜文王嗜昌歎齊王嗜雞跖王莽嗜鰻魚  
曾皙嗜羊棗宋明帝嗜蜜漬鮓一食數升范汪嗜

生梅頃刻食一斛致盡蕭宏嗜鱖魚頭日進三百魏  
徵嗜醋芹孫承佑嗜鯉魚鰓肉馮延巳嗜山雞其尤  
奇者劉邕嗜瘡痂鮮于叔明嗜蟠蟲周薛震好食人  
肉周刺史張懷肅唐郎中任正言好食人精權長孺  
好食人爪甲

師曠荀勗符朗皇甫謐劉子陽妙於味者也彭鏗易  
牙毛德祖虞棕曲良翰彭湘潔工於味者也魏文齊  
武隋煬吳質何曾何劭和嶠王愷王濟石崇劉穆之  
徐湛之何勗阮佃夫朱异羊侃元雍元琛崔瞻爾朱

文略韋安石韋陟裴冕元載段文昌李德裕趙雄武  
孫承佑馮穀蔡京張俊張鉉侈於味者也廉頗樊噲  
王鸞典韋李勳勇於味者也宋明山濤劉道真江淹  
蕭穎胄鹿宜孫馬郁杜悰廖易之張齊賢張慤趙雄  
洪於味者也張易之張昌宗韓縝酷於味者也羅友  
陳仲潛猥於味者也鄭子公御斟司馬子期小人於  
味者也

說略卷之二十六

珍格

江寧顧起元太初輯

少昊時金鳴於山見拾遺記秦獻公十八年櫟陽雨  
金見史記孔子修春秋製孝經既成孔子齋戒向北  
斗星辰而拜告備於天乃有赤虹見自上而下化爲  
黃金見搜神記魏明帝時昆明國貢嗽金鳥常吐金  
如粟宮人以金飾釵謂之辟寒金見拾遺記晉陵薛  
願有虹飲其釜翁響便竭乃吐金滿釜見異苑陳尚

書言嘗有二道士一黃衣一白衣詣其家求宿夜聞  
二客床上錫然有聲秉燭視之白衣下乃銀人也黃  
衣復不見見稽神錄何文買宅梁上有人長丈餘赤  
幘呼細腰乃金也侯適見黃石大如斗收之皆化爲  
金見幽怪錄

水經注言犍爲朱提縣山水險奇數百言而不及朱  
提銀事亦一漏也朱提銀比之他銀極貴價可益十  
之五見食貨志武帝時以銀爲幣其文龍直三千其  
文馬直五百其文龜直三百至平帝而始有朱提銀

耳周穆王時有燭銀其光可鑒曰天子之寶蓋不以  
爲幣也

說文鉛青金也錫之類能殺蟲毒錫銀色而鉛質也  
古稱鉛爲黑錫今日黑鉛是也禮金錫注錫劔也鑑  
也今日鑑錫是也本草云錫有黑有白錫粉胡粉也  
當云鉛粉蓋鉛可燒粉而錫不可燒今之定粉水粉  
是也古稱鉛生蜀錫生桂陽今無錫縣有錫山廣信  
府有鉛山又曰有銀坑處有之

攻金之工如築冶鼻臬段桃以金工料言之宜用銅



鐵等物爲多特總名曰金錫以分六齊六分其金而錫居一爲鐘鼎之齊五分其金而錫居一爲斧斤之齊四分其金而錫居一爲戈戟之齊三分其金而錫居一爲大刃之齊五分其金而錫居二爲削殺矢之齊金錫半爲鑑燧之齊使如今時所謂錫則豈堪爲斧斤戈戟矢刃哉臬氏改煎金錫定火候以青黃黑白之氣而使以鑄量使如今時所謂錫則豈能聲中黃鍾之宮哉觀史記平準書及漢食貨志亟稱銀錫漢武帝造銀錫爲白金可以見古者銀與錫通稱白

金考工先秦古書當以錫爲銀鉛之總名說文謂錫曰銀鉛之間稍近古意徐氏不察考工金錫之說殊失許叔重本旨周禮非人職金皆言金玉錫石蓋銅鐵銀錫皆取非煉成言錫而不必枚舉銅銀鐵也嘗歎漢儒拘爾雅之文於非人之注直以錫爲銀鉛爾雅專以銀爲白金不思漢時固以錫爲白金其注錄銀鈹金名物瑣細而於考工金錫之義乃無所發明曾不若說文能合錫鉛以言錫也職方氏於揚州言金錫荊州言銀以今出產之地言之則銀在揚而錫

在荆錫亦銀也特以荆揚地利互文見之爾若如今人分別銀錫則考工所謂金錫於理有不通者故著其說使讀考工記者無惑焉今世用物銅鐵爲多經文絕少言銅亦罕言銀鐵考工言金者鐵銅在其中言錫者銀鉛在其中合而言之總曰金錫爾聞決銀者言錫能賊他金似不宜混合然物各有用攻金之工不一銅鐵及鑄銅得銀愈佳鑄銅得鉛益骨金錫相須尚矣

世言錢起於太公九府圜法前漢志云凡貨金錢布帛爲用夏殷以來其詳靡記漢鹽鐵論亦曰夏后以貝殷以紫石後世或金錢刀布是周以前未用錢也然太公六韜曰武王入殷散鹿臺之金錢以與殷民史記曰紂厚賦斂以實鹿臺之錢又曰散鹿臺之錢以賑濟貧民高謙之曰昔禹遭大水以歷山金鑄錢救人之困湯遭大旱以莊山之金鑄錢贖人之賣子是三代皆已鑄錢不但周也

按志云黃金方寸爲斤又云一斤卽一金也四兩爲一斤又曰一斤十六兩愚謂漢書明有賜千金及賜

金千斤之異則一斤當爲四兩而一斤爲十六兩也  
按漢食貨志武帝時錢益多而輕物益少而貴乃制  
白金三品其一曰重八兩環之其文龍名白撰直三  
千二曰以重差小方之其文馬直五百三曰復小橢  
之其文龜直三百是其時號錢輕昂銀以爲幣而八  
兩直三千八錢止直三百也今錢之極重而精者  
世宗朝嘉靖錢每銀一兩直錢七百尚以兩錢當漢  
錢一也王莽當篡漢時造錢貨有六品契刀錯刀之  
類不論而銀貨二品黃金一斤直錢萬銀八兩爲一

流朱提銀一流直錢一千五百八十他銀一流直錢  
一千朱提銀出犍爲至精價不可憑以他銀與黃金  
計之金一斤當直他銀五斤金一兩直他銀五兩也  
正與今不異若金四兩爲斤計之則金一兩當直他  
銀二十兩也漢黃金賤而白金貴必不縣絕乃爾又  
以王莽傳言之羣公奏故事聘皇后黃金二萬斤爲  
錢二萬萬則一斤萬錢之說合矣漢賜霍光黃金七  
千斤當爲錢七千萬也周勃黃金五千斤錢五千萬  
也然銀八兩而直錢一千則八錢止直一百也錢之

貴三倍於武帝時矣董賢家財總錢四十三萬萬算之在武帝時當直龍文白撰直金一千六十六萬六千兩在居攝時爲他銀三千四百四十萬餘兩居攝正係哀帝一二年賢家錢直當以後爲準後漢供南單于歲一億九十餘萬西域七千四百八十萬然則一億爲一萬萬也又段熲征諸羗議以騎五千步萬人車三千兩三冬二夏費約五十四億爲五十四萬萬也靈帝賣官公爲錢千萬卿五百萬若以前漢錢直計之是公當出黃金五百斤卿二百五十斤是時

南單于西域皆賓服而歲供一爲黃金一萬九十斤一爲黃金七千四百八十斤而三歲征羗之費直黃金五十四萬斤矣萬萬無此理按桓帝時貨輕而財薄欲改鑄大錢以劉陶言而止然則是時錢不能西漢十之一也以後鸞眼緹環之類而錢日賤斗米一萬則又千百而一也或輕或重可準則約略言之孝武元狩五年至平帝元始中凡一百十五年成錢二百八十萬萬而宋神宗熙寧八年每年鑄銅鐵錢五百四十九萬九千二百三十四貫凡貫緡皆百錢當

爲五萬四千九百二十三萬四千文不四十歲而鑄漢百十五年錢若以千錢爲貫緡又當十倍蓋漢錢精而貴其價六倍於今之上錢唐宋錢薄小而賤什不能當今上錢一也至於黃金則漢甚多而易得今極少然其價貴僅十分踰二耳不甚懸也每見漢黃金以爲富於後世數十倍見唐宋錢緡以爲富於漢數十倍要而言之漢實富也

郭子儀傳云每歲月俸母慮二十四萬緡一緡爲百錢則當二千四百萬錢也若一緡爲千錢則十倍之

矣又每入朝上命魚朝恩元載送爲主一宴至費錢十萬緡按唐自開元二十四年六月總定一品月俸料八千食料千八百雜用千二百防閣十五千通計二十四千二百然則一歲俸入錢當爲二十九萬四百僅二千九百緡餘耳汾陽縱所兼十餘職皆極品安能百倍其數耶且一宴之費爲十萬緡亦當爲萬餘金矣當是時天下方遭亂戶口歲入有限必不能爾抑史夸言之也

唐食貨志云武德四年鑄開元通寶徑八分重二銖

四系積十錢重一兩得輕重大小之中其文以八分篆隸三體又云開化二十六年已後錢甚惡詔所在置監鑄開元通寶錢京師庫藏皆滿肅宗上元元年以開元舊錢一當十孔毅夫云開元通寶錢給事中歐陽詢撰文并書四環可讀俗不知以爲開元錢明皇所鑄六典謂之開元通寶司馬光云薛璫唐聖運圖云初進蠟樣文德皇后搯一甲故錢上有甲痕焉凌璠唐錄政要以爲寶皇后是時寶后已崩文德皇后未立今皆不取李審言記聞云唐之錢文如乾元

開元曰重寶通寶世俗淺者有云乾重開通朝士尚有如此言者尤可笑也馬永卿云開元通寶蓋唐二百八十九年獨鑄此錢洛并幽懷等州皆置監故開元錢如此之多而明皇紀號偶相合耳有左挑開元錢雙桃開元錢篆字開元錢封寅曰武宗會昌五年鑄開元錢令廢天下佛寺像宰相李德裕請以廢寺銅鍾佛像及僧尼瓶碗等物命所在鑄錢揚州節度使李紳乃以所廢寺鍾鑄錢背皆昌字以表年號又有勅令鑄錢所各加本郡州號名爲背文

其夷狄及偏霸僭國所鑄錢有可攷者得一元寶又  
順天得一唐史思明僭鑄保大元寶江南主李景鑄  
又有唐國通寶大唐通寶皆南唐元宗所鑄也壽昌  
元寶遼道宗壽昌年鑄大興平寶錢之鏤有丁字疑  
五代僭鑄錢也大德重寶僞殷王建所鑄錢之鏤有  
殷字者乾元重寶僞漢劉儼所鑄永平元寶通正元  
寶天漢元寶皆前僞蜀王建鑄光天元寶咸康元寶  
皆前僞蜀王衍鑄廣正通寶前僞蜀孟昶改元鑄乾  
亨通寶宋太平興國七年遼主耶律隆緒鑄統和元

寶宋太平興國八年耶律隆緒鑄太平元寶宋天禧  
五年耶律隆緒鑄清寧通寶宋至和二年耶律隆緒  
鑄咸雍通寶宋至平二年耶律洪基鑄太康元寶宋  
熙寧七年耶律洪基鑄太康通寶同上大安元寶宋  
神宗元豐七年耶律洪基鑄乾純元寶徽宗崇寧元  
年耶律延基鑄天慶元寶宋政和二年契丹國主在  
燕山府鑄阜昌重寶高宗建炎四年知濟南府劉豫  
叛降金金人以山東河南陝西爲齊國立豫僭號改  
元阜昌大定元寶金世宗鑄鏤有申酉字正隆元寶

金海陵王鑄於太原府至大通寶元武宗鑄皇慶通寶元仁宗鑄至治通寶元英宗鑄政和通寶至正通寶元順帝年號又三韓重寶楷書一樣東海通寶楷書篆二樣東國重寶海東通寶海東重寶朝鮮通寶真書以上係東海蕃錢也

其博戲中私鑄錢者合門清吉秦將散騎鏤有騎馬將軍稱心遂意鏤有碌出入通泰鏤有馬鞍天下太平長命富貴封侯拜相忠孝傳家金玉滿堂五男二女花生不老鏤有云花草團圓二字八卦錢面有八

卦爻文命錢面有十二屬生者龍鳳文錢等樣

宋洪遵所纂泉志其正用品則虞錢夏錢商錢周錢景王錢齊錢晉錢楚錢趙錢秦錢秦半兩錢漢莢錢八銖錢四銖錢三銖錢半兩錢五銖錢鍾官赤側錢後漢五銖錢四出文錢魏五銖錢蜀直百錢直百五銖錢傳形五銖錢吳大泉五百錢大泉當千錢宋四銖錢當兩大錢孝建四銖錢二銖錢景和錢鸞眼錢梁五銖錢公式女錢五銖鐵錢大吉鐵錢大道鐵錢大富鐵錢當十錢四柱錢陳五銖錢大貨六○錢後



魏太和五銖錢五銖錢永安五銖錢永安土字錢西  
魏五銖錢東魏永安五銖錢北齊常平五銖錢後周  
布泉錢大布錢永通萬國錢隋白錢唐開元錢乾封  
錢乾元十當錢重輪錢小乾元錢大曆錢開元大錢  
建中錢新開元錢咸通錢後唐天成錢晉天福錢漢  
漢通錢周周通錢僞品有項梁大錢吳王濞半兩錢  
鄧通半兩錢王莽大錢小錢貨泉錢公孫述鐵錢董  
卓小錢五銖錢沈充小錢張軌小錢王則河陽錢史  
思明得一錢順天錢李景永通錢開元鐵錢唐國錢

大唐錢王建永平錢通正錢天漢錢光天錢王衍乾  
德錢咸康錢孟昶廣政錢鐵錢劉龔乾亨錢鉛錢馬  
殷乾封錢天策錢錢俶錢王審知錢開元鐵錢王延  
羲永隆錢王延政天德錢馮洪大興錢劉仁恭土錢  
劉守光應天錢不知年代品有平當五銖錢大泉四  
出錢大泉五銖錢雙五五銖錢左右五銖錢太元貨  
泉錢通行貨銖錢兩銖錢續銖錢兩柱錢女錢雉錢  
對文錢五銖錢定平錢傅形半兩錢太平四錢兩嗇  
錢一文錢四曲文錢永光錢五金錢太朝錢天鎮錢

萬歲錢大興錢大千錢天威錢古錢古文錢三字錢  
千字錢黃河錢天品有天帝錢寶錢咸陽錢金五銖  
錢五銖錢刀布品有白金三品契刀錯刀大布次布  
第布壯布中布差布厚布幼布彡布小布貨布大黃  
布刀古刀布蒙城古刀長平古刀沂州良刀長平異  
布藕心錢蟻鼻錢古銅片又異布十四種外國品有  
罽賓國錢烏弋山離國錢安息國錢大月氏國錢泥  
婆羅國錢何國錢康國錢拔汗國錢條支國錢拂林  
國錢大食國錢因墀國天壽錢日本國和同錢神功

錢萬年錢隆平錢乾文錢屋馱國梵書錢疏勒國五  
銖錢龜茲國五銖錢吐蕃國胡字錢倭國延喜錢梵  
字錢契丹國天贊錢應曆錢重熙錢清寧錢大康錢  
大安錢壽昌錢乾統錢天慶錢千秋錢高麗國海東  
錢三韓錢東國錢閼婆國梵書錢交趾國黎字錢大  
秦國錢三佛齊國錢佛涅槃國錢東沃沮國錢新羅國  
錢高昌國錢波斯國錢女國錢大月氏國錢小月氏  
國錢中天竺國錢于闐國錢投和國錢阿耆國錢屈  
支國錢覩貨邏國錢梵衍那國錢迦畢試國錢那揭

羅曷國錢健馱邏國錢室羅伐悉氏國錢羯若鞠闍  
國錢鉢邏那伽國錢波羅泥斯國錢尼波羅國錢摩  
揭陀國錢伊爛孛鉢伐多國錢憍薩羅國錢摩突羅  
國錢乾陀越國錢杜薄國錢康居國錢末祿國錢軒  
渠國錢三童國錢阿鈎羗國錢舍衛國錢層檀國錢  
裸人國錢驃國錢碎葉國錢巴氏錢俠錢賓錢沙州  
玉錢奇品有臺主衣庫錢羅紋錢翅紋錢北斗錢軒  
轅錢柄文錢日月錢非文錢雙五錢雙十錢星月錢  
四五錢八星錢鯨文錢兔犬錢明月錢四神錢萬國

錢龍文錢三雀錢龜背錢水波紋錢雙星錢玄武錢  
千秋錢龍鳳重輪錢雙鳳錢雙魚錢四事錢單面龍  
鳳錢龍鳳錢藕心錢神品有輕影錢清水錢會稽船  
錢青溪宅錢太平錢齊興郡錢齊安郡錢令公百爐  
錢廣宗郡錢僞趙錢軒轅錢孫先生錢桐城錢白雀  
錢壽春錢應元錢北海鐵錢嚴君平錢科斗錢鷺口  
洞錢厭勝品有永安五男錢七夕錢福慶錢撒帳錢  
男錢辟兵錢千金錢豐樂錢君宜侯王錢長年錢富  
錢五男二女錢天下太平錢

路史有軒轅氏金長寸七分重十二銖其文作𠄎王  
存又云軒轅字合爲一按古封禪文與此正同太昊  
氏之棘長寸七分肩廣一寸足間六分有肉好幕作  
柴斤一金作舌芒又寶鼎尉王博家有一布長寸六  
分肩廣八分首廣五分足間二分重六銖面文作川  
昊乃帝昊字幕文作𠄎所謂了傍斜畫蓋義字也又  
董令昇家有一種長寸八分額廣六分肩廣寸一分  
奇足間五分重十二銖面文作父昊幕文作𠄎皆太  
昊字也考之盥鐘帝直作二則此立之川信爲帝字

又封禪文昊作昊可見神農貨曰一金其爲幣衆有  
一種長二寸六分首廣寸六分有肉好無輪郭足間  
正圓面文六字背文一字又一種長二寸四分上廣  
寸五分下廣寸三分首廣六分足間五分重八銖無  
好及肉郭面七字縱橫神農幣也又有一大錢徑寸  
五分重七銖好圓無輪郭狀如半兩銅色純赤左有  
𠄎字鈎畫甚精神字也又少昊氏貨長寸七分肩廣  
一寸足間六分有好面有七舌𠄎七化字𠄎𠄎字舌  
金字天寶元年李幼奇得一種文作降𠄎乃高陽氏

金也長寸一分下廣九分首長廣各五分向上漸闊  
足支四分間廣三分背文如八字帝嚳貨異斤一金  
長寸八分肩廣寸一分足間五分正圓重十二銖無  
好郭又李涿家有黃帝貨長二寸一分肩廣寸七分  
枝長六分間四分半首廣七分質厚重二十八銖其  
文作串呂二斤全幕文串又二種大小輕重與此正  
等六字亦同但倒書之其串作串此幣之最大者又  
舜策乘馬長二寸上廣寸二分下寸三分首長廣各  
七分足間五分正圓文尚全肅正合字背面肉好皆

有周郭又葛天氏之幣其文作均尊盧氏之幣其文  
作臯又長平布中有高陽氏金其文作睛以舌一及  
作台陽俞平陽俞陽隄凡五種有肉郭又一種其文  
作忌旨夕夕一幕文皆全

今人數錢百錢謂之陌者其實只是百字如什與伍  
耳唐自皇甫鏹爲墊錢法至宗末乃定八十爲百  
漢隱帝時五司使王章每出官錢又減三錢以七十  
七爲百輸官仍用八十至本輸官錢有用八十陌者  
唐書開元錢重一銖四參今蜀郡亦以十參爲一銖

參乃古之案字恐相傳之誤耳

太宗賜房玄齡黃銀帶顧謂玄齡曰昔如晦與公同心輔政今日所賜獨見公因潛然流涕程氏繁露以爲黃銀者何物其殆鍮石也若以鍮帶而賜大臣何足貴者按禮斗威儀曰君乘金則黃銀見當是瑞物也

玉有山玄文者有水蒼文者有白如截肪者有赤如雞冠者有黑若純漆者有黃若蒸栗者以于闐國所產爲最見財貨源流唐天寶中興國獻軟玉鞭屈之

則首尾相就舒之則勁直如繩武宗會昌九年夫餘國貢火玉色赤光照數十步積之可以然鼎置之室中則不復挾纒見杜陽編寧王有煖玉鞍見天寶遺事元載紫龍髯拂刻紅玉以爲環紐見杜陽編肅宗賜李輔國玉辟邪二各長一尺五寸奇巧非人間所有其玉之香可聞於數百步雖鑱於金函石匱終不能掩其氣或以衣裾誤拂則芬馥經年縱澣濯數四亦不消歇見孔氏六帖

白樂天琵琶行楓葉荻花秋瑟瑟此句絕妙楓葉紅

荻花白映秋色碧也瑟瑟珍寶名其色碧故以瑟瑟影指碧字讀者草草不知其解也今以問人輒答曰瑟瑟者蕭瑟也樂天又有暮江曲云一道殘陽照水中半江瑟瑟半江紅此瑟瑟豈蕭瑟哉正言殘陽照江半紅半碧耳

琥珀出罽賓國藥名博物志一名江珠謂松脂淪入地千年化茯苓茯苓千年化琥珀今泰山有茯苓而無琥珀永昌有琥珀而無茯苓又桃瀋入地所化虎目光入地化物如琥珀後漢書哀牢夷虎魄廣雅曰

虎魄生地中其上及旁不生草深者八九尺大如斛削去皮成虎魄如斗初時如桃膠凝堅乃成雜俎又言龍血入地爲琥珀南蠻記寧州沙中有折腰蜂岸崩則蜂出土人燒治以爲琥珀

琉璃魏略本質是石乃大秦國出赤白黑黃青綠縹紺紅紫十種流離此蓋自然之物采澤光潤踰於衆玉其色不恒今俗所用皆銷冶石汁加以衆藥灌而爲之尤虛脆不貞實非真物也魏太祖爲琉璃行殿容百人晉滿奮坐琉璃牕內有寒色元載家有琉璃

盤一尺面小說丐者媚兒有琉璃餅唐末尚琉璃釵  
釧唐宰相名投於琉璃餅中

瑪瑙品類多不同出產有南北其實一石卵爾大者  
如斗其體質堅硬碾造費工若南瑪瑙產大食等國  
色正紅而無瑕可作杯筭器具生西北者色青黑謂  
之鬼面青赤須間以紅色如珠絲者爲妙若靈夏瓜  
沙羗地磧中間得之者尤奇有柏枝瑪瑙質如冰玉  
上有枝葉儼如柏枝又有金子瑪瑙黑白相間大不  
過一、二寸又有合子瑪瑙質理純黑中間白綠者可

作數珠間隔又有夾胎瑪瑙正視之則瑩白光彩倒  
視之則若凝血蓋一物而有兩色也出西羗砂磧中  
世不多見有紫雲瑪瑙者今和州產者可作屏障卓  
面等用實一石爾又丹丘之野多鬼血化爲丹石則  
瑪瑙也見拾遺記黃帝時有瑪瑙甕堯時猶存見十  
洲記唐開元龜茲國進瑪瑙枕枕之十洲三島在夢  
中帝號游仙枕見天寶遺事武帝會昌中渤海貢瑪  
瑙櫃裴行儉有瑪瑙盤見唐史

玻璃一作頗黎一作玻黎西國寶千年冰化故曰冰



玉今有外國所市玻璃杯鏡乃燒成者又有五色小  
餅值極高其質俱自銷冶所成非所謂冰玉也恐別  
是一種耳

鞞鞞國名古肅慎地也其地產寶石大如巨栗色紅  
赤中國謂之鞞鞞文與可朱櫻歌云君王午坐鼓猗  
蘭翡翠一盤紅鞞鞞又葛魯卿西江月詞云鞞鞞斜  
紅帶柳皆用鞞鞞事

晉王衍神姿高徹如瑤林玉樹唐王勃與兄勔勔皆  
才美故人號之曰三珠樹如詩人所言可人坐上三

珠樹皆本諸此初不解所謂每疑以爲如稱玉樹瓊  
枝之流而山海經又言崑崙之墟北有珠樹文玉樹  
玕琪樹實皆樹也梁吳筠詩安得崑崙山偃蹇三珠  
樹三珠樹始菱絳葉凌朱虛山海經三珠樹生赤水  
上爲樹如柏葉皆爲珠聞嶺南海商下舉者言有珠  
子樹其珠生於蚌中蚌生於樹上綴著不解而樹乃  
生於石石在海底蟹戶鮫人汨於水中鑿石得樹其  
樹如楊柳枝良可愛也疑始釋然蓋亦珊瑚樹琅玕  
樹之生成者也

爾雅論貝曰大者鮪小者鯖餘眊黃白文餘臬白黃  
文蜃大而險蟻小而橢漢朱仲相貝經曰貝盈尺狀  
如赤電黑雲謂之紫貝素質紅黑謂之珠貝青地綠  
文謂之綬貝黑文黃畫謂之霞貝紫愈疾珠明目綬  
消氣障霞伏蛆蟲雖不能延齡增壽其禦害一也復  
有下此者鷹喙蟬脊以逐溫去水無奇功貝大者如  
輪文王請大秦貝徑半尋穆王得其殼懸於昭觀秦  
穆公以遺燕鼃可以明目遠察宜土宜金南海貝如  
珠礫白駁其性寒其味甘止水毒浮貝使人寡無以

近婦人黑白各半是也濯貝使人善驚無以親童子  
黃脣點齒有赤駁是也雖貝使病瘡黑臬無皮是也  
矐貝使胎消勿以示孕婦赤帶通春是也慧貝使人  
善忘勿以近人赤幟內殼赤絡是也營貝使童子愚  
婦人淫有青脣赤臬是也碧貝使童子盜春上有縷  
句脣是也雨則重霽則輕委貝使人志強夜行伏迷  
鬼狼豹百獸赤中圓是也雨則輕霽則重仲受此經  
於琴高曾獻珠於武帝不知所之嚴助爲會稽太守  
仲又出遺助徑尺之貝并致此文

史稱窮奢極欲者前漢王氏五侯羣弟爭爲奢侈賂遺珍寶四面而至羅鍾磬舞鄭女作倡優狗馬大治第舍起土山漸臺洞門高廊閣道連屬相望後漢郭況起高閣以量金玉錯雜寶以飾臺榭懸明珠四垂晝視之如星夜望之如月梁冀大起第舍妻孫壽亦對街爲宅殫極土木互相誇競堂寢皆有陰陽奧室連房洞戶柱壁雕鏤加以銅漆窻牖皆有綺疏青瑣圖以雲氣仙靈臺閣周通更相臨望飛梁石磴陵跨水道金玉珠璣異方珍怪充積私室遠致汗血名馬

又廣開園囿採土築山十里九坂以象二嶠深林絕澗有若自然奇禽馴獸飛走其間冀壽共乘車車張羽蓋飾以金銀游觀第內多從倡伎鳴鐘吹管酣謳竟路或連繼日夜以騁娛晉石崇婢美艷千餘人常擇其姿容相類者數十人裝飾衣服大小一等調四方玉付工爲倒龍之珮縈金爲鳳冠之釵結紳繞楹而舞欲有召者不呼姓名悉聽珮聲視釵色各含異香使行而笑語則口氣從風而颺又屑沈水香末布象牀上使所愛踐之無跡者卽賜珍珠百筐初最幸

爲翽風後翽風退房幸綠珠珠弟子宋棖有國色善  
笛後入明帝宮中齊蕭宏後庭數百千人皆極天下  
之選所幸江無畏器服珍異侔於東昏潘妃寶屨直  
千萬羊侃在衡州於兩艫符起三間通梁水齋飾以  
珠玉加之錦繡盛設帷屏列女樂乘潮解纜觀者填  
溢嘗宴北使陽斐賓客三百餘人食器皆金玉雜寶  
奏三部女樂及夕侍婢百餘人俱執金花燭魚弘侍  
妾百餘不勝金翠服翫車馬冠絕一時有眠牀一張  
皆是蹙柏四面周匝無有一異通用銀縷金花壽福

兩重爲脚後魏高陽王元雍居第匹於帝宮白壁丹  
楹窈窕連雲僮奴六千妓女五百隋珠照日羅衣從  
風時河間王琛欲敵之造文柏堂如徽音殿置玉井  
金罐以五色絹爲繩伎女三百盡皆殊色求西域千  
里馬其次七百里者十餘匹皆有名字以銀爲槽金  
爲環鎖嘗會諸王陳諸寶器金甌銀甕百餘口甌擊  
盤盒稱是餘器有水精鉢瑪瑙琉璃盃赤玉卮數十  
枚工作奇妙中土所無又陳女樂及諸名馬復引諸  
王案行府庫錦罽珠璣冰羅霧縠充牣其內謂人曰

不恨我不見石崇恨石崇不見我隋楊素後庭伎妾  
曳綺羅者以千數第宅奢侈僭擬宮禁有鮑亨者善  
屬文殷胄者工草隸竝沒爲家奴秦王楊俊爲妃作  
七寶羃離車不可載以馬負之而行又爲水殿香粉  
塗壁玉砌金階梁柱椳棟之間周以明鏡間以寶珠  
極瑩飾之美與賓客伎女絃歌其上唐張易之爲母  
阿臧造七寶帳鋪象牙牀織犀角氍毹蛩氍氈汾  
晉龍犀臨河鳳翮爲席宗楚客造一宅皆是文柏純  
帖沈香和紅粉泥壁文石爲階砌安樂公主造定昆

池四十九里累石爲山以象華岳引水爲澗以象天  
津飛閣步檐斜橋磴道衣以錦繡畫以丹青飾以金  
銀瑩以珠寶又爲九曲蓮花臺泉於臺湧出窮天下  
之壯麗楊國忠諸姨第五家聯亘治錦繡琢金玉者  
大抵千人變化若神仙每帝幸華清宮五家隊合炯  
若萬花川谷成錦繡遺細墜舄瑟瑟珠翠狼藉於道  
香聞數十里宅中沈香亭禁中遠不逮虹霓屏風雕  
刻前代美人形服玩衣服皆衆寶雜砌水精爲地外  
以玳瑁水犀爲押絡以珍珠瑟瑟非人力所製元載

言明  
卷之二十六  
三  
云輝堂于闐香芸潔白如玉屑以塗壁沈檀爲梁棟  
金銀爲戶牖中設前虹霓屏風紫綃帳輕疎而薄風  
不能透冬溫夏涼有龍髯紫拂色如爛椹削水晶爲  
柄刻紅玉爲環紐所幸薛瑤英肌體自香處金絲帳  
却塵褥李昌夔在荊州打獵大修裝具其夫人獨孤  
氏亦出女騎一千皆著紅繡襖錦鞍鞞鳳靴銀鐙于  
頤在襄州點山燈油一上二千石南宋張循王孫張  
鑑宴客牡丹會旣集坐一虛堂寂無所有俄問左右  
云香發未答云已發命卷簾則異香自內出郁然滿

坐羣使以酒殽絲竹次第而至別有名伎數十首戴  
牡丹衣領皆繡如其色歌昔人所作牡丹詞進酌而  
退前後花與伎凡十易杯器皆如其色酒竟歌者舞  
者數百人列行送客燭光香霧歌吹雜作恍然若仙  
遊又如晉劉威碩在蜀車服侈靡豔妾數十能爲聲  
樂悉教誦靈光殿賦謝靈運門故恒數百人室宇華  
曠盡山泉之美車服鮮麗衣裳器物多改舊形世共  
宗之宋徐湛之產業甚厚宇舍園池貴游莫及伎樂  
之美冠絕一時門生千餘皆三吳富人子姿質端美

衣服鮮麗每出入行游塗巷盈滿齊徐君禱爲湘東  
王諮議文冠一府新聲豔語人多諷習尤長部書問  
無不對善絃歌好聲色侍妾數十皆佩金翠曳羅綺  
服翫悉以金銀閉門盡日酣飲有時載伎肆意游行  
荆楚山川靡不游踐右弇州說部所載當其生存爲  
俗士所豔及其零落山丘與貧無置錫者同作一丘  
土耳如梁冀石崇楊國忠張易之之流求死牖下如  
匹夫猶不可得是則富侈之爲禍甚烈也書以爲戒  
說略卷之二十六終

說略卷之二十七

江寧顧起元太初輯

卉牋上

招搖山有祝餘狀如韭而青花食之不饑小華山有  
草荔狀如烏韭而生於石上亦緣木而生食之已心  
痛符禺山有草多條狀如葵而赤花黃實如嬰兒舌  
食之使人不惑石脆山有草如韭而白華黑實食之  
已疥竹山有黃薺其狀如樗其葉如麻白華而赤實  
其狀如赭浴之已疥又可以已疔英山之陽多箭筈

衣服鮮麗每出入行游塗巷盈滿齊徐君禱爲湘東  
王諮議文冠一府新聲豔語人多諷習尤長部書問  
無不對善絃歌好聲色侍妾數十皆佩金翠曳羅綺  
服翫悉以金銀閉門盡日酣飲有時載伎肆意游行  
荆楚山川靡不游踐右弇州說部所載當其生存爲  
俗士所豔及其零落山丘與貧無置錐者同作一丘  
土耳如梁冀石崇楊國忠張易之之流求死牖下如  
匹夫猶不可得是則富侈之爲禍甚烈也書以爲戒  
說略卷之二十六終

說略卷之二十七

江寧顧起元太初輯

卉牋上

招搖山有祝餘狀如韭而青花食之不饑小華山有  
草荔狀如烏韭而生於石上亦緣木而生食之已心  
痛符禺山有草多條狀如葵而赤花黃實如嬰兒舌  
食之使人不惑石脆山有草如韭而白華黑實食之  
已疥竹山有黃薺其狀如樗其葉如麻白華而赤實  
其狀如赭浴之已疥又可以已疔英山之陽多箭筈



縮竹也 浮山有薰草麻葉而方莖赤華而黑實臭如麝  
蕪佩之已癘嶧冢山有骨蓉葉如蕙本如桔梗黑華  
不實食之使人無子天帝山有杜衡狀如葵臭如麝  
蕪可以走馬食之已癘阜塗山有無條狀如藜荑葉  
如葵而赤背可以毒鼠昆侖之丘有質音類草狀如葵  
味如葱食之已勞甘棗之山有穉葵本而杏葉黃華  
而夾實可以已瞢脫扈山有植楮狀如葵葉而赤華  
莢實實如櫻莢可以已癘食之不昧牛首山有鬼草  
葉如葵而赤莖其秀如禾服之不憂陰山多影棠葉

如榆而方實如赤菽食之已聾鼓鐙山有榮草葉如  
柳本如雞卵食之已風青要山有荀草狀如菱而方  
莖黃華赤實其本如藥本服之美人色熊耳山有葶  
薈亭寧狀如蘇而赤華可以毒魚陽華山有苦辛其  
狀如橪卽秋其實如爪其味酸甘食之已瘧休與山  
有夙條狀如著赤葉而本叢生可以爲籛鼓鍾山有  
焉方莖黃華圓葉而三成可以爲毒姑媯音遙山有葶  
草其葉胥成其華黃其實如菟丘服之媚於人苦山  
有無條員葉無莖赤華不實服之不癘大誓山有牛

克各 卷之二十一 二

傷葉如榆方莖而蒼傷其根蒼文服者不厥可以禦  
兵半石山有嘉榮生而秀高丈餘赤葉赤華不實服  
之不霆太室中有蕃草狀如茱白華黑實澤如蓂蓂  
服之不昧少陘山有蒟音剛草葉狀如葵而赤莖白華  
實如蓂蓂食之不愚大山有梨葉狀如荻而赤華可  
以已疽敏山有猿狀如著而毛青華白實服之不天  
可以爲腹病高粱山有草狀如葵而赤華莢實白柎  
可以走馬兔牀山有雞穀其本如雞卵其味酸甘食  
者利於人昆侖之墟有木禾長五尋大五圍以上見

山海經鈞影山有丹萑生於水中葉浮水上紫河有  
寒荷霜下方香盛波水國有神精香草一根百條其  
間如竹節柔軟其皮如絲可爲布堅密如冰純瑤琨  
有碧草如麥割之釀酒飲一合三旬不醒但飲甜水  
隨飲而醒種火山有明莖草夜如金燈照見鬼物之  
形亦名照魅草以藉足履水不沉有夢草似蒲色紅  
晝縮入地夜則出懷之則夢所思之人有鳳葵草丹  
葉長四寸味甘久食令人身輕肌滑有五味草初生  
味甘花時味酸食之使人不眠名曰却睡草烏哀國

有龍爪薤長九尺色如玉煎之有膏和紫桂爲丸服一粒千歲不饑有掌中芥葉如松子取其子置掌中吹之而生一吹長一尺至三尺而止然後可移於地上不經掌中吹者不生也食之能空中孤立足不躡地亦名躡空草有龍肝瓜長一尺花紅葉素生於冰谷所謂冰谷素葉之瓜仙人瑕丘仲食之千歲不渴玄都翠水有翔雞菱菱碧色狀如雞飛仙人臯伯子食之骨輕身生毛羽眺蟾臺宴有地花氣葛此葛於地下生花入地十丈乃得此葛其根倒出以上見洞

冥記祖洲有不死之草形如菰苗長三四尺人已死三日者以草覆之皆活服之令人長生見十洲記洄流有石葉青色甚堅而輕一莖百葉千年一花峴流有素蓮一房百子凌冬而茂沉流生碧藕長千常七尺爲常也條陽山出神蓬如蒿長十丈周以爲宮柱所謂蒿宮燕昭王時有千莖穉穉於空中自生花實落地則生根葉一歲百穫一莖滿車漢昭帝琳池中植分枝荷一莖四葉狀如駢蓋日照則葉低若葵之衛足名曰低光荷實如玄珠食之令人口氣常香背

明國北有虹草長一丈葉如車輪根大如轂花似朝  
虹之色有宵明草夜視如列燭晝則無光自消滅也  
有日精紫菊一莖一蔓延及數畝味甘食者不饑渴  
有佳茅高五丈然之成灰以水灌之復成茅也謂之  
靈茅有黃渠草映日如火其堅韌若金食者焚身不  
熱有夢草葉如蒲莖如蒼朮之以占吉凶萬不遺一  
有聞遐草服者耳聰香如桂莖如蘭後漢明帝燉煌  
獻穹窿瓜長三尺而形屈曲味美如飴昔道士從蓬  
萊山得此是崆峒靈瓜四劫一實恒山獻巨桃霜下

結花隆暑方孰晉胡中有拾星麥釀酒醇美久舍令  
人齒動若大醉不叫笑搖蕩令人肝腸消爛魏文時  
有合歡草狀如蒼一株百莖晝則衆條扶踈夜則合  
爲一莖謂之神草晉浮支國獻望舒草其色紅葉如  
荷近望如舒遠望如卷團團如蓋亦曰月出則舒月  
沒則卷祖梁國獻蔓金苔色如黃金投於水中光出  
照日置槃中照耀滿室又名夜明苔舍明國有浮筠  
之籀葉青莖紫子大如珠風吹竹葉如鍾磬之音方  
丈山有濡葦葉色如紺莖色如漆細軟可縈海人織

以爲席卷之不盈一手舒之則列坐方國之賓又有  
莎蘿草細如髮一莖百尋柔軟香滑羣仙以爲龍骨  
之轡瀛洲有芸苗狀如菖蒲食葉則醉餌根則醒不  
周之粟高三丈粒皎如玉食之歷月不饑員嶠山有  
芸蓬色白如雪一枝二丈夜視有白光可以爲杖岱  
輿山有莽煌葉員如荷去之十步炙人衣則焦刈之  
爲席方冬彌溫有遙香草花如丹光耀入月花葉俱  
香扇馥數里子如薏實食之累月不饑玉梁有紫苔  
味甘而柔滑食者千歲不饑有七色芝其色青光輝

懼謂之蒼芝以上見拾遺記酒杯藤出西域藤大如  
臂葉似葛花實如梧桐實大如指香如荳蔻可以醒  
酒見李石續博物志海南有睡草見之則令人睡一  
名睡草見述異記良常山有螢火芝葉似草實大如  
豆紫花夜視有光食一枚心中一孔明食至七七竅  
洞徹可以夜書句曲山有夜光芝一株九實實墜地  
如七寸鏡夜視如牛目雅州有舞草人對之歌及抵  
掌謳曲必動葉如舞常山北有護門草寘諸門上夜  
有人過輒叱之南海有睡蓮夜則花低入水北天竺

國出蜜草秋冬不彫因重霜露遂成蜜如塞上蓬鹽  
南方有地日草三足烏欲下食此草則美悶不復動  
以上見酉陽雜俎木蘭皮國所產麥一粒長三寸爪  
圍四五尺榴一顆重五斤桃二斤見異域志

招搖山有迷穀狀如穀而黑理其花四照佩之不迷  
侖者山有白磬如穀赤理汗如漆味如飴食者不饑  
可以釋勞可以血玉符禺山有文莖其實如棗可以  
已聾英山上多柎樞浮山多勝木枳葉而無傷木虫  
居之崇吾山有木員葉白柎赤華黑理實如枳食之

宜子不周山有果實如桃葉如棗黃華赤柎食之不

勞峯

音密

山多丹木員葉赤莖黃華赤實味如飴食之

不饑昆侖之丘有河棠黃華赤實其味如李而無核  
可以禦水食之使人不溺中曲山有櫟木狀如棠而  
員葉赤實實大如木瓜食之多力崦嵫山多丹木葉  
如穀實大如瓜赤符黑理食之已瘳可以禦火北號  
有木狀如楊赤華其實如棗而無核其味酸甘食之  
不瘡東始山有芑木狀如楊而赤理其汁如血可以  
服馬歷兒山有櫟木方莖員葉黃華而毛其實如棟

服之不忘。茲山有芒草狀如棠而赤葉可以毒魚。柄山有菱狀如檇葉如桐而莢實可以毒魚。苦山有黃棘黃華員葉其實如蘭服之不字。堵山有天楸音方莖而葵狀服者不啞。放臯山有蒙木葉如槐黃華而不實服之不惑。少室山有帝休狀如楊其枝五衢黃華黑實服者不怒。太室山有楸音木狀如梨而赤理服者不妬。講山有帝屋葉狀如椒反傷刺下赤實可以禦凶。浮戲山有亢木葉狀如檇而赤實食之不蠱。敏山有薊柏狀如荆白白華赤實服者不寒。宣山有

帝女之桑大五十尺其枝四衢葉大尺餘赤理黃華

青柎豐山多羊桃狀如桃而方莖可以爲皮張治皮腫起

弱水有建木狀如牛引之有皮若纓黃蛇其葉如羅

其實如欒其木若藎開明北有珠樹文玉樹玕琪樹

有聖木食之令人智聖洞野山有若木赤柎青葉赤

光下照地九丘有建木青葉紫莖玄華黃實百仞無

枝有九櫺下有九枸其實如麻其葉如芒以上見山

海經東方荒外有豫章其高千丈圍百丈本上三百

丈始有條枝敷張如帳荒外大山生不晝之木晝夜

火然得暴風不猛猛雨不滅南方有樹名椶櫚三千歲作花九千歲作實葉長七尺廣四尺實長九尺圍如長無瓢核竹刀割之如酥有如何三百歲作花九百歲作實實有核金刀割之則酸蘆刀割之則辛食之者神仙不畏水火白刃東方有樹高百丈名梨子徑三尺剖之少瓢白如素和羹食之地仙衣服不敗辟穀可入水火南方有耶木高三千丈子形如甘爪少音艷音甘美食之令人身澤不可過三升令人冥醉半日乃醒東方有桃子徑三尺食之令人壽短北

方有棗子長六七寸圍過其長熟赤如朱乾之不縮食之安軀益氣力南荒有涕竹長數百丈圍三丈五六尺厚八九寸可以爲船其笋甘美食之可以止創癘南方有邯黠高百丈圍三尺八寸促節多汁甜如蜜咋其汁可以節虺滄浪洲生強木木方一寸可載百許斤東北荒有栗實徑三尺二寸殼赤肉黃白味甜食之令人短氣而渴崑崙山上有柰冬生子碧色須玉井水洗之方可食以上見神異經漢武靈壽壇上植垂龍之木木高十丈有朱露洒其葉如珠枝如



龍之倒垂嶮嶮山有細棗萬年一實如今之軟棗咋  
之有膏膏可然燈外國有青檀木膏如淳漆削置器  
中以蠟和之塗布然照數里塗山之背梨大如升或  
云斗紫色千年一花亦曰紫輕梨琳國有玉葉李色  
如碧玉數十年一熟韓終常餌此李因名韓終李西  
那汗國有聲風木實如油麻風吹枝如玉聲此木五  
千年一汗萬歲不枯有指星之木以木指彗星星尋  
則沒有紫柰大如斗甜如蜜核紫花青有汁如漆可  
染衣亦名闇衣柰胥池寒國有發日樹日從雲出雲

來掩日風吹樹枝拂雲開日光也影娥池有生金樹  
破之皮間有屑如金而色青亦名青金樹以上見洞  
冥記聚窟洲有返魂樹花葉香聞數百里伐其根心  
於玉釜中煮汁焚之聞香死者在地皆却活不復亡  
也東海有扶桑長數千丈大二千餘圍樹兩兩同根  
偶生更相依倚九千歲一生榘食之體皆作金光色  
以上見十洲記西海有窮桑直上千尋葉紅榘紫萬  
歲一實食之後天而老闇河之北有紫桂其實如棗  
羣仙餌焉陰岐有黑棗其樹百尋實長二尺核細而

柔百年一熟嶗嶗山有桃樹百圍其花青黑萬歲一實晉思烟臺有仁壽木似柏而枝長柔軟其花可食祈淪國有壽木一樹千尋日月爲之隱蔽若經憇此木下皆不死不病頻斯國有大楓樹高六七十里善算者以里計之雷電常出樹身之半方丈山有恆春樹葉如蓮花芬芳如桂花隨四時之色一名沉生瀛洲有影木日中視之如列星萬歲一實實如瓜青皮黑瓢食之骨輕以上見拾遺記黃金山有交讓木楠也一年東邊榮西邊枯一年西邊榮東邊枯年年如

此大食國有小兒樹幹赤葉青枝上總生小兒長六七寸見人皆笑動其手足頭著樹枝使摘一枝小兒便死北方有七尺之棗南方有三尺之梨人不得見或見而食之卽爲地仙以上見述異記

自太史公謂司馬長卿所載草木鳥獸多過其實後人相沿疑之以盧橘夏熟答選雜支等語皆爲增飾按西京雜記載梨有大谷細葉縹蒂金葉瀚海東王紫條青玉梨芳梨九種棗有弱枝玉門青華赤心西王棠棗棗棗七種栗有候榛瑰嶧陽四種桃有湘核

金城綺葉紫文秦桃桴桃霜桃胡桃櫻桃含桃十種  
李有青綺青芳同心車下含枝金枝顏淵紫李綠李  
朱李黃李羗李燕李蠻李侯李十五種柰有白紫綠  
三種檀有蠻羗猴三種桺有青烏赤葉三種棠有赤  
白青沙四種梅有紫葉紫萼同心麗枝朱梅燕梅猴  
梅七種杏有蓬萊文杏二種桐有椅桐梧桐荆桐三  
種林檎十枇杷十橙十安石榴十棹十白銀樹十黃  
銀樹十槐六百十千年長生樹十萬年長生樹十扶  
老木十守宮槐十金明樹二十搖風樹十鳴風樹十

琉璃樹七池離樹十離婁樹十白榆檮桂蜀漆樹各  
十柗四樅七栝十楔四楓四後云從上林令虞淵得  
羣臣所上草木名二千餘種後失其本此其記憶者  
又茂陵富人袁廣漢園有白鸚鵡紫鴛鴦牦牛青兕  
奇獸怪禽江鷗海鶴悉沒入上林太液池中有鳴鶴  
舟容與舟清曠舟採菱舟越女舟池有洲黏樹一株  
大六十圍五柞宮五柞樹蔭覆數十畝三輔黃圖高  
帝時南粵王獻龍眼樹武帝於交趾移荔枝百株植  
上林建扶荔宮中有菖蒲百本山薑十本甘蕉十二

本留求子十本桂百本蜜香指甲花百本龍眼檳榔  
橄欖千歲子甘橘皆百餘本內荔枝一株獨茂忽一  
夕萎死守吏死者百餘夫草木多至二千餘種則長  
卿所言固未虛也

緗素雜記云秦始皇上泰山立石封祠下風雨暴至  
休於樹下遂封其樹爲五大夫五大夫者秦官名第  
九爵也唐陸贄作禁中春松詩云不羨五株樹李商  
隱有五松驛詩李白序謂風雨暴作五松受職皆言  
五松事按應劭云秦皇逢暴雨得五松因封爲五大

夫蓋當時大夫係封五株松非一松也是以庾信終  
南山詩曰水奠三川后山封五樹松觀此則知誤用  
不始於唐人矣

楊子雲甘泉賦玉樹青蔥師古注玉樹武帝所作集  
衆寶爲之向注文選亦謂玉帝植玉樹於此宮以碧  
玉爲葉按三輔黃圖云甘泉宮者有槐樹今謂玉樹  
根榦盤峙三二百年木也楊震關輔古語記曰耆老  
相傳咸以謂此樹卽揚雄甘泉賦玉樹青蔥者也又  
觀隋唐嘉話國史纂異長安記聞見錄等雜書皆言